

IL DIARI, AN VIII, NR. 3
12 DI MARÇ 2013

universitât

MEDISINE

Un cicli di seminaris dal Centri di medisine rigenerative

Aes frontieris de biotecnologie

I gnûfs metodis de diagnostiche anatomopatologjiche bogns di dâ indicazioni simpri plui personalizadis su prognosi e terapie a saran il motif condutôr de seste edizion dal cicli di incuintris, su lis "Biotecnologjiiis medicis" organizât dal Centri interdipartimentâl di Medisine rigenerative de Universitât dal Friûl e de Aziende ospedalire universitarie de capitâl furlane.

Dopo il prin apontament, che si è fat ai 14 di Fevrâr e al jere dedicât al teme dal sisteme neuroendocrin difondût, a vignaran daûr altris sis incuintris, simpri aes 15, il dal complès de Aziende ospedalire universitarie di Udin.

Ai 14 di Març (aule anfiteatri, paveon 1) Vincenzo Eusebi (Universitât di Bologne) al sclarirà l'ûs de gjenomiche e de bio informatiche inte diagnostiche dal tumors dal pet. Ai 11 di Avrîl Gaetano Thiene

(Universitât di Padue) al fevelarà de muart improvise intai zovins, un acjadiment che al colpîs dispès atletis che no àn mai presentât segns di malatie cardiovascolâr. Ai 16 di Mai Marco Chilosi (Universitât

di Verone) al presenterà lis novitâts intes metodichis dopradis inte diagnosi anatomopatologjiche. Ai 6 di Jugn Giorgio Stanta (Universitât di Trieste) al ilustrarà lis problematichis des bancjis di tiessûts biologjics. Ai 20 di Jugn Giovanni Lanza (Universitât di Ferare) al fevelarà, in particolâr, de impuartance dal scandai

dal cancar dal colon e des ricjadudis che chest al à su la diagnosi precoç de malatie. In fin, ai 31 di Otubar Carlo Alberto Beltrami al sclarirà i disvilups de anatomie patologjiche intai uitins decenis.

Info: 0432.554245

formazione@aoud.sanita.fvg.it.

